

<<ՊԱՐԶ>> ԱՎԱՆԴԻ ՊԱՅՄԱՆԱԳԻՐ N _____

Ք. _____

<<____>> _____ 20__թ.

<<ՀԱՅԷԿՈՆՈՄԲԱՆԿ>> ԲԲԸ-ն, այսուհետ՝ Բանկ, մի կողմից, և

ֆիզիկական անձի անուն, ազգանուն, հայրանուն, անձը հաստատող փաստաթղթի տվյալներ, հաշվառման հասցեն
այսուհետ՝ Ավանդատու, մյուս կողմից, այսուհետ միասին՝ Կողմեր, իսկ առանձին-առանձին նաև Կողմ, կնքեցին սույն ավանդի
պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով Ավանդատուն Բանկում ներդնում է ներքոհիշյալ գումարի չափով ավանդ, այսուհետ՝ Ավանդ,

Նշել ներդրվող ավանդի գումարի չափը (թվերով և տառերով) և արժույթը

1.2. Ավանդը ներդրվում է _____ (_____) օրով՝ <<____>> _____ 20__թ. ին Ավանդատուին վերադարձվելու պայմանով:

1.3. Ավանդի դիմաց Բանկը վճարում է Ավանդատուին տոկոսներ Պայմանագրի 2-րդ մասով սահմանված չափով, կարգով և
ժամկետներում:

1.4. Ավանդի մուտքը, ելքը, տոկոսների վճարումը հավաստվում է ՀՀ բանկային պրակտիկայում կիրառվող վճարահաշվարկային
փաստաթղթերով, եթե այլ բան չի սահմանվել Պայմանագրով:

1.5. Պայմանագրով Ավանդատուն Բանկին հանձնարարում է Բանկում գործող իր թիվ _____ բանկային հաշվից,
այսուհետ՝ Հաշիվ, ընդունել Ավանդի գումարն ամբողջությամբ:

1.6. Ավանդի վերադարձը, տոկոսների վճարումը Բանկը կատարում է Հաշվին, եթե Բանկը չի ստացել Ավանդատուից
հանձնարարական գումարները փոխանցելու այլ հաշվի:

2. ԱՎԱՆԴԻ ՏՈԿՈՍԱԳՈՒՄԱՐԻ ՀԱՇՎԱՐԿԸ ԵՎ ՎՃԱՐՄԱՆ ԿԱՐԳԸ, ԱՎԱՆԴԻ ԱՅԼ ՊԱՅՄԱՆԱԵՐԸ

2.1. Ավանդի դիմաց հաշվարկվում են տոկոսներ՝ տարեկան _____ (_____) % տոկոսադրույքի չափով,
փաստացի օրերի դիմաց տարին ընդունելով 365 օր, նահանջ տարին՝ 366 օր:

2.2. Ավանդի տարեկան տոկոսային եկամտաբերությունը կազմում է _____ (_____) %:

2.3. Ավանդի տոկոսները հաշվարկվում են Ավանդը Բանկում ընդունվելու օրվանից մինչև Ավանդատուին վերադարձվելու նախորդ օրը:

2.4. Ավանդի տոկոսները Ավանդատուի ցանկությամբ վճարվում են հետևյալ արժույթով և պարբերականությամբ՝

Ավանդի արժույթով/ ՀՀ դրամով

ամսական/ժամկետի վերջում

2.5. Ավանդն ամբողջությամբ մինչև Ավանդի վերադարձման ժամկետի լրանալը պահանջվելու դեպքում՝ համապատասխանաբար
Ավանդի դիմաց Պայմանագրի 2.1 կետով սահմանված տոկոսների փոխարեն վերահաշվարկվում և վճարվում են տոկոսներ
վերահաշվարկվող հետևյալ տոկոսադրույքի չափով.

Ավանդի վաղաժամկետ վերադարձի ժամանակահատվածը	Ավանդը ներդրվելու օրվանից մինչև 183-րդ օրը	Ավանդը ներդրվելու 183-րդ օրվանից մինչև 544 րդ օրը ընկած ժամանակահատվածում
վերահաշվարկվող տարեկան տոկոսադրույքի չափ	0(զրո)%	____ (_____) %

Սույն կետով սահմանված վերահաշվարկվող տարեկան տոկոսադրույքի չափից ավել Ավանդատուին վճարված
տոկոսագումարի չափով Ավանդը համարվում է վերադարձված:

2.6. Ավանդի տոկոսները Ավանդատուի կողմից չստանալու դեպքում՝ դրանց վրա տոկոսներ չեն հավելագրվում:

2.7. Ավանդատուն չի կարող Ավանդին ավելացնել լրացուցիչ գումարներ, ինչպես նաև չի կարող նվազեցնել Ավանդը: Ավանդի մասը
պահանջվելու դեպքում՝ Ավանդը ենթակա է վերադարձման ամբողջությամբ Պայմանագրի 2.5. կետի պայմանով:

2.8. Բանկը չի կարող միակողմանի նվազեցնել Պայմանագրի 2.1 կետում նշված տոկոսները՝ Պայմանագրի 1.2 կետով սահմանված
ժամկետին Ավանդը վերադարձվելու պայմանով:

2.9. Եթե Ավանդի վերադարձման ժամկետը լրանալուց Ավանդը չի պահանջվել, ապա մինչև Ավանդի փաստացի պահանջվելը Ավանդի
դիմաց հաշվարկվում են տոկոսներ Բանկում գործող բանկային հաշիվների և առկա դրամական միջոցների համար Բանկի
սահմանած տոկոսների չափով:

2.10. Ավանդատու ֆիզիկական անձի (այդ թվում՝ անհատ ձեռնարկատեր) ներկայացուցչի լիազորությունները հավաստվում են
նոտարական (վերջինիս հավասարեցված անձանց) վավերացումով կամ Բանկում համապատասխան պաշտոնատար անձանց
հաստատումով Ավանդատուի կողմից տրված լիազորագրով:

2.11. Ավանդատուն (նրա ներկայացուցիչը) նույնականացվում է անձը հաստատող փաստաթղթով Բանկ ներկայանալու և նույնացվելու
միջոցով: Ավանդատուն համարվում է նույնականացված նաև ավտոմատ ինքնասպասարկման սարքերով, համացանցով,
էլեկտրոնային միջավայրում կատարվող գործարքներով՝ Ավանդատուի նույնականացման տվյալը (PIN կոդ (ծածկագիր), քարտի
CVV կոդ, նշանաբան, գաղտնաբան, նույնականացնող այլ միջոց) կիրառվելու դեպքերում:

2.12. Ավանդի պայմանները սահմանվում և կարգավորվում են Պայմանագրով, ինչպես նաև Բանկի վարչության կողմից հաստատված
Ավանդի տեղեկատվական ամփոփագրով, որը հանդիսանում է Պայմանագրի անբաժանելի մասը: Տեղեկատվական ամփոփագիրը
հրապարակվում է Բանկի ինտերնետային կայքէջում (www.aeb.am) և տրամադրվում է Ավանդատուի առաջին իսկ պահանջով
անվճար: Տեղեկատվական ամփոփագրում Բանկն իրավունք ունի միակողմանի կատարել փոփոխություններ/լրացումներ, որոնք
ուժի մեջ մտնելուց ոչ ուշ, քան 7/յոթ/ աշխատանքային օր առաջ հրապարակվում են Բանկի կայքում և ուղարկվում են Ավանդատուի
էլեկտրոնային փոստի հասցեին:

2.13.22 օրենսդրությամբ սահմանված դեպքերում և կարգով՝ դատական ակտերի, հարկադիր կատարման մարմինների, հարկային մարմինների որոշումների հիման վրա, ինչպես նաև Ավանդով ապահովված պարտավորությունների և/կամ Բանկի նկատմամբ Ավանդատուի պարտավորությունների չկատարման դեպքում՝ Ավանդը կարող է անակցեպտ կարգով բռնագանձվել, որից հետո 30 օրացույցային օրում Բանկը պարտավոր է դրա մասին տեղեկացնել Ավանդատուին՝ տրամադրելով Հաշվի քաղվածք վերջինիս հաղորդակցման եղանակով:

2.14. Ավանդատուին վճարվող տոկոսները հարկվում են ՀՀ օրենսդրությամբ սահմանված չափով:

3. ԱՎԱՆԴԱՏՈՒԻ ԻՐԱՎՈՒՆՔՆԵՐԸ

- 3.1. Ավանդատուն իրավունք ունի՝
- 3.1.1. Բանկից պահանջել վճարելու Ավանդի դիմաց տոկոսներ Պայմանագրով սահմանված կարգով, չափով և ժամկետներում:
 - 3.1.2. Բանկից պահանջել ապահովելու Ավանդի գաղտնիությունը՝ ՀՀ օրենսդրությամբ սահմանված կարգով:
 - 3.1.3. Բանկից ստանալ ՀՀ օրենսդրությամբ սահմանված կարգով, ժամկետում և պարբերականությամբ Ավանդատուին պարտադիր տրամադրման ենթակա տեղեկատվությունը, ներառյալ Ավանդի քաղվածքները, Ավանդատուի հաղորդակցման եղանակով:
 - 3.1.4. Ավանդն ավելացնել Պայմանագրով սահմանված դեպքերում և կարգով:
 - 3.1.5. Բանկից պահանջել վերադարձնելու Ավանդը դրա ժամկետը լրանալուց, ինչպես նաև մինչև Ավանդի ժամկետի լրանալը:
4. ԱՎԱՆԴԱՏՈՒԻ ՀԱՂՈՐԴԱԿՑՄԱՆ ԵՂԱՆԱԿԸ

- 4.1. Ավանդատուն հաստատում է, որ Բանկի կողմից Ավանդատուին տրամադրման ենթակա տեղեկատվությունը, ներառյալ՝ քաղվածքներ, ծանուցումներ, այլ տեղեկություններ և/կամ ՀՀ օրենսդրությամբ նախատեսված պարտադիր տրամադրման ենթակա տեղեկատվությունը Ավանդատուին տրամադրելու լեզուն և կապի միջոցն է (Ավանդատուն իրավունք ունի պահանջել պարտադիր տեղեկատվությունը տրամադրել Բանկի տարածքում առձեռն, կամ գրավոր ներկայացնել այլ կապի միջոց)
- հայերեն/անգլերեն _____ Էլեկտրոնային փոստ հասցեն _____
- 4.2. Ավանդատուն հաստատում է, որ մինչև Պայմանագրի կնքումը Բանկից ստացել է Ավանդի տեղեկատվական ամփոփագիրը:
- 4.3. Ավանդատուն հաստատում է, որ ծանուցվել է Բանկում ներդրված ավանդների հատուցման երաշխավորման պայմանների և կարգի մասին:

5. ԲԱՆԿԻ ՊԱՏԱՍԽԱՆԱՏՎՈՒԹՅՈՒՆԸ
- 5.1. Բանկի կողմից Ավանդը վերադարձնելու կամ տոկոսները վճարելու պարտավորությունը չկատարելու կամ ուշացնելու դեպքում՝ յուրաքանչյուր ուշացած օրվա համար Բանկը վճարում է տույժ՝ չվճարված /չվերադարձված/ գումարի 0.02 % չափով:
- 5.2. Բանկը երաշխավորում է Ավանդի վերադարձը իր ակտիվներով:
6. ԱՅԼ ՊԱՅՄԱՆՆԵՐ

- 6.1. Պայմանագրին ուժի մեջ է մտնում Ավանդը Բանկում փաստացի ընդունվելու օրվանից և գործում է մինչև Ավանդը Ավանդատուին ամբողջությամբ վերադարձվելը:
- 6.2. Այն հարցերը, որոնք չեն կարգավորվում Պայմանագրով, կարգավորվում են ՀՀ օրենսդրությամբ: Կողմերի միջև ծագող վեճերը բանակցություններով չլուծվելու դեպքում՝ վեճերի քննությունը ենթակա է լուծման ՀՀ դատարանների միջոցով:
- 6.3. Ավանդատուն կարող է Պայմանագրից բխող բոլոր-պահանջները ներկայացնել ՀՀ ֆինանսական համակարգի հաշտարարին՝ «Ֆինանսական համակարգի հաշտարարի մասին» ՀՀ օրենքով սահմանված կարգով, դեպքերում ու պայմաններով: Բանկը հրաժարվել է վիճարկել Ֆինանսական համակարգի հաշտարարի այն որոշումները, որոնցով գույքային պահանջի չափը չի գերազանցում 100,000 (մեկ հարյուր հազար) ՀՀ դրամը:
- 6.4. Կողմերի համաձայնությամբ Պայմանագիրը համարվում է Կողմերի միջև կնքված՝ Բանկի համապատասխան Էլեկտրոնային սարքում Կողմերի ստորագրելով: Այդ ձևով կնքված Պայմանագիրն ուղարկվում է Ավանդատուի Էլեկտրոնային փոստի հասցեին մեկ աշխատանքային օրվա ընթացքում և ձեռք է բերում Կողմերի ձեռագիր ստորագրությամբ կնքված թղթային պայմանագրին համարժեք իրավաբանական ուժ: Ավանդատուի պահանջով Պայմանագիրը կնքվում է Կողմերի ձեռագիր ստորագրությամբ՝ փաստաթղթային ձևով, երկու օրինակից և յուրաքանչյուր կողմին տրվում է մեկ օրինակ:
- 6.5. Պայմանագիրը Բանկի կողմից ստորագրվում է երեք աշխատակցի կողմից և կնքվում է Բանկի կլոր կնիքով:
7. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲԱՆԿ	ԱՎԱՆԴԱՏՈՒ
<<ՀԱՅԷԿՈՆՈՄԲԱՆԿ>> ԲԲԸ	_____
Ներկայացուցչի ԱԱՀ _____	ԱԱՀ _____
Լիազորագրի ամսաթիվ, համար _____	_____
_____	Հաշվառման հասցե _____
Ներկայացուցչի ստորագրություն _____	_____
_____	անձը հաստատող փաստ. տվյալներ _____
Անուն, ազգանուն, ստորագրություն _____	_____
_____	ստորագրություն _____
Անուն, ազգանուն, ստորագրություն _____	